


Bosna i Hercegovina
Federacija Bosne i Hercegovine
ZENIČKO–DOBOJSKI KANTON
OPĆINA MAGLAJ
OPĆINSKI NAČELNIK



Bosnia and Herzegovina
Federation of Bosnia and Herzegovina
ZENICA – DOBOJ CANTON
MAGLAJ MUNICIPALITY
MAYOR

Privredni savjet Općine Maglaj

Maglaj, 12.12.2018. godine

ZAPISNIK

sa sjednice Privrednog savjeta Općine Maglaj, održane u petak, 12.12.2018.
godine u sali Općinskog vijeća sa početkom u 13:00 sati

PRISUTNI:

1. Mirsad Mahmutagić, Općinski načelnik (predsjednik PS)
2. Nermiñ Kadrić
3. Husić Senahid
4. Senada Alibajraktarević
5. Ferhat Bradarić
6. Nermiñ Bešlagić
7. Braco Bradarić
8. Abdulkadir Bradarić
9. Fuad Hajrulahović
10. Emin Hasanić
11. Jasmin Halilović
12. Enver Kotorić
13. Sebastijan Zamboni

Zapisničar, Arnela Tumbić

Dnevni red:

1. Program rada Privrednog savjeta općine Maglaj za 2019. godinu (plan rada, plan nastupa na sajmovima, plan informisanja i edukacija, program poticaja, ostalo) – priprema;
2. Prezentacija implementiranih i aktuelnih projekata i aktivnosti na području općine Maglaj;
3. Prezentacija pripremljenih prijedloga Akcionog plana implementacije Strategije razvoja za 2019.g., Plana kapitalnih investicija za 2019.godinu i Budžeta za 2019. godinu;
4. Anketa zadovoljstva privrednih subjekata javnim sektorom,
5. Anketa nezaposlenih osoba sa evidencije Zavoda za zapošljavanje - Biroa Maglaj

6. Razno – prijedlozi i sugestije, tekuća problematika

AD – 1

Predsjednik Privrednog savjeta općine Maglaj, Mirsad Mahmutagić se na samom početku zahvalio prisutnim članovima i istakao zadovoljstvo dosadašnjim radom Privrednog savjeta. Nakon iščitanog Dnevnog reda i njegovog usvajanja, otvorio je raspravu po tački 1.

Nermin Bešlagić je ukratko predstavio smjernice za prijedlog Programa rada za 2019. godinu, te pozvao prisutne da iznesu vlastite prijedloge koji će biti uvršteni u Plan rada Privrednog savjeta za 2019. godinu.

Uslijedile su diskusije i prijedlozi prisutnih članova (g-din Husić Senahid, g-din Halilović Jasmin, g-din Bradarić Abdulkadir, g-din Kadrić Nermin, Emin Hasanić i dr.) koji su prevashodno imali za cilj predlaganje mjera i aktivnosti na umanjenju posljedica odlaska naših sugrađana i odliva radne snage.

G-din Kadrić Nermin je uputio na potrebu kreiranja realnih mjera na lokalnom i drugim nivoima koje će doprinositi umanjenju posljedica i ublažavanju šteta u predstojećem periodu. Predsjednik Privrednog savjeta Mirsad Mahmutagić naglasio je da Općina Maglaj već realizira dio mjera i aktivnosti zajedno sa Zavodom za zapošljavanje, kao i pojedinim firmama u pravcu prekvalifikacije radnika te u tom pogledu i Privredni savjet ima podršku za kreiranje i predlaganje konkretnih rješenja i njihovo provođenje.

Nakon zaključenja rasprave donesen je zaključak da navedena problematika svakako mora biti sastavni dio plana rada Privrednog savjeta.

Takođe su pozvani članovi Privrednog savjeta da u roku od 15 dana dostave svoje ostale prijedloge za izradu Program rada Privrednog savjeta Općine Maglaj za 2019. godinu.

AD – 2

U okviru 2. tačke dnevnog reda - Prezentacija implementiranih i aktuelnih projekata i aktivnosti na području općine Maglaj; Općinski Načelnik je u iscrpnom izlaganju informisao prisutne o realiziranim projektima u 2018. godini te nastavku započetih i otpočinjanju novih projekata i aktivnosti za 2019. godinu.

AD–3 Prezentacija pripremljenih prijedloga Akcionog plana implementacije Strategije razvoja za 2019.g., Plana kapitalnih investicija za 2019.godinu i Budžeta za 2019. godinu;

S obzirom na povezanost sa prethodnom tačkom dnevnog reda, Općinski načelnik je prisutne podsjetio na procese izrade strateško planskih dokumenata i kroz kratki sažetak predstavio najznačajnije pozicije tih dokumenata za 2019. godinu.

Predstavljen je nacrt Budžeta za 2019. godinu

G-din Bešlagić je predstavio Akcioni plan implementacije Strategije razvoja za 2019.g. sa obrazloženjem projekata od posebnog interesa i značaja za privredni ambijent i obavljanje djelatnosti privrednih subjekata na području općine Maglaj.

Poseban osvrt je dat na proces izrade Plana kapitalnih investicija općine Maglaj za 2019. godinu kao dokument koji se radi u novom formatu uvažavajući sve potrebe lokalnih partnera i transparentan pristup u planiranju prioriteta kapitalnih investicija.

Prisutnima je predstavljen pripremljeni prijedlog plana i članovi Privrednog savjeta su pozvani da prije usvajanja od strane Općinskog vijeća Maglaj dostave eventualno nove prijedloge i sugestije kako bi se došlo, do što optimalnijeg dokumenta i plana za 2019. godinu.

G-din Bradarić Kadrija je predložio ponovno aktualiziranje rješavanja prijelaza preko željezničke pruge – izlaza iz grada za slučaj nepogoda.

AD 4 - Anketa zadovoljstva privrednih subjekata javnim sektorom,

Predsjednik Privrednog savjeta, Mirsad Mahmutagić ukratko je predstavio Anketu zadovoljstva privrednih subjekata javnim sektorom, kao kontinuitet u mjerenu zadovoljstva privrednih subjekata javnim uslugama kao i ocjenu ambijenta i uslova privređivanja na području općine Maglaj.

Nermin Bešlagić je istakao značaj ankete i njen kontinuitet, zbog upoređivanja trenutnog i prethodnog stanja odnosno praćenja trendova zadovoljstva i ambijenta za privređivanje.

Niz daljih diskusija kretao se takođe u iskazivanju zadovoljstva uvođenjem ovog alata za praćenje trendova stanja u pružanju usluga i te je data puna podrška nastavku ovakve prakse.

AD - 5 -Anketa nezaposlenih osoba sa evidencije Zavoda za zapošljavanje - Biroa Maglaj

Shodno diskusijama u okviru 1. tačke dnevnog reda i sveukupnoj situaciji vezanoj za dostupnost radne snage, iskazanih potreba privrednih subjekata te trenda odlaska stanovništva u EU i dr. zemlje, Nermin Bešlagić je prezentirao plan prikupljanja podataka, u saradnji sa Zavodom za zapošljavanje, Biro Maglaj, odnosno anketiranje nezaposlenih osoba u cilju sagledavanja sveukupnog stanja i položaja u kome se nalazi ova populacija.

Na osnovu sveukupnog prikupljanja relevantnih podataka o potrebama nezaposlenih lica, biti će moguće kreiranje mjera za poboljšanje položaja nezaposlenih osoba ali i zadovoljenje potreba privrednih subjekata.

Prisutni članovi su dali punu podršku ovoj aktivnosti i saglasili se sa javnim korištenjem podataka i rezultata vezanih za mišljenje i ocjene konkretnih privrednih subjekata a u cilju dobijanja što reprezentativnijih informacija i rezultata.

AD – 6 Razno – prijedlozi i sugestije, tekuća problematika

6. tačka dnevnog reda - Razno – prijedlozi i sugestije, tekuća problematika bila je prilika da se informiše o različitim aktuelnostima odnosno da se iniciraju određene aktivnosti koje mogu ostvariti napredak i doprinositi poboljšanju ambijenta za privređivanje.

Mirsad Mahmutagić se na kraju zahvalio prisutnim članovima na prisustvu i aktivnom učeštu u radu te najavio u najskorije vrijeme održavanje nove sjednice Privrednog savjeta, na kojoj će biti donesen i Program rada za 2019. godinu.

Završeno, 14:45 sati

Zapisničar

Arnela Tumbić

Predsjednik Privrednog savjeta

Mirsad Mahmutagić

BOSNA I HERCEGOVINA, Maglaj, Viteška 4,
tel: ++387 32 60 95 50, fax: ++387 32 60 95 51; e-mail: nacelnik@maglaj.ba



